

外科證治

全書

外
精
益
福

新安余家

鑑篆

光緒己未冬月漢口

景慶義記書局石印

序

士人讀書明理期於世有所濟立功名以見重當時此體用兼備之學也若學成理明無意立名而慈祥之念無時無地不期於濟世此其品詣不又加人一等乎哉余觀倫聲許生外科證治一書而有感焉倫聲少嗜學經史而外旁及諸子百家一名一藝之微手披目覽各有所得山居數十年怡然自樂不肯以學自炫間因良善之家式微為之指示趨吉脩方或嬰孩疾痛時醫束手為之施送藥餌無不速效人始竒之由是名噪於士大夫間延訪遂衆辭之不獲已擇近地大山水處始一命駕人與之欵洽言皆經濟文章絕不及他事庚寅春余過於皖江郡城年逾八十白髮蕭疎神明弗衰非學養之醞耶嗣余權篆蕪關通尺素書邀其掉扁舟冒雪而來圍爐談論竟日叩其生平閱歷如郡縣學宮添建文峯高閣不周歲而人文蔚發是何神速倫聲則謙讓未遑謂吉凶皆盈虛消長自然道理一有趨避必干造物之忌若乃勝地名區善人多則吉祥自生趨吉之說皆事之適然相合非盡關人力也其言似謙其實有至理存焉臨別檢行篋余見有外科證治一書則續成其故友畢蒼霖未竟之業其部首分別陰陽症治

其卷末並列急治五條共書五卷自記甚悉余益歎其品學之優也書成不獨擅其美必推善於創始之良友其所分門別類者皆二十餘年歷試活人無算之實學非借著書立說以求聲譽者比余將遠別數千里外此書若仍攜歸恐久而失傳為借鈔副本付剞劂以質世之精醫理者雖曰小道亦足見倫聲所學之緒餘與濟人之素心云爾生名克昌和州國學生倫聲其字也昔

道光歲次辛卯夏月督權使者雲夢程懷璟書於上海權署

敘

有學問之醫有閱歷之醫外科古有專業無專書故閱歷為尤切漢唐作家十數然多亡佚無徵今其理則具於靈樞素問其病名治要則莫先於病源莫精於千金莫詳於外臺顧閱深奧衍未易通曉且時異事殊即方藥所載或至貴而驟不可得或甚賤而莫識其名是以精而用之者蓋鮮自後源流不一治遂多歧其專門名家大率由閱歷而進之學問者也近世外科證治一書不為高論一以陰陽虛實為之端法期簡要方必中和淡有取於王氏全生集而刪繁補缺幾於明備覽之而得其歸用之而有其效視他書徒眩名目侈陳古義或不甚切於日用者有間夫自武進曹畸菴有瘍醫雅言之述千金外臺將可以復明於世獨於宋後諸家等之自檜以下今以此書為鳴矢則學問即閱歷亦學問沂流窮源庶無遺憾耳謹識其大槩以誌世之篤嗜斯道者同治己丑冬孝感屠仁守書於成都寓齋

重刻外科證治弁言

一 此書創刻於吾鄉程玉農廉訪垂今三十餘年未見別本將來流傳必且益少蜀中同官諸君子相與醵資重刻誠為快舉

一 蜀中論外科推王氏全生集為善本此書於全生集採摭尤備於其所不備者又皆大備故此書較全生集有過之無不及也

一 此書初刻體例多未畫一舛錯尤甚茲刻屬知醫者再三讐校凡是正二百餘條仍間有誤文實因無可勘據不若姑闕疑以傳疑

一 此書引用各家皆未註明來歷係是隨時甄錄意在得效而止茲刻亦不及徧考識者詳之

一 附刻全生集醫案因與此書足相印證參閱良便

一 此書不及丹藥茲得瘍醫雅言丹藥方簡明切要錄附於後以成完璧其意詳見識語中

同治丁卯仲春月京山易崇堦倥氏書

自記

昌性好醫少時誦讀之暇訪求名醫著述見外症與小兒痘症兩門生死反掌非比內症尚可延遲待治聞東臺周舒軒先生精醫術昌往從學焉十餘年深究精思稍知梗概繼得鄭西賓痘症必讀雖集腋成裘而分門晰類瞭如指掌又得前明耿仁齋淋科明鏡遺稿惜乎殘缺過半昌為之增著刪繁分列四篇便於習學二書皆梓行於世第外症一書汗牛充棟偏執者多適中者寡有同人畢蒼霖者著外科證治闡發透澈於外症大有裨益蒼霖甫著兩卷年未三十而卒書成廢帙昌雖不敏廣集諸名家外科考證訪求效方立癰疽就簡於各症部之首分別陰陽臟腑經絡認症醫治屢試二十餘年診視送藥無不獲效四遠就醫者咸無虛日又增內景外因奇症蠱症中毒五條併立應驗藥方附於書末以備急用共成五卷非敢問世聊以備遺忘耳許克昌自識

外科證治全書卷一

凡例

一 是書逐症措治條分部款甚詳其有症治同而部位名異者因立癰疽就簡於各部之首辨明紅白陰陽按癰疽治法便於查閱萬無一失

一 凡有方而僅治某症者則列於某症之後有方而通治諸症者則另立通用方類逐方排著不致雜亂其用藥分量俱備庶無臨症專方之誤

一 人身臟腑陰陽各具形義經絡部位各分攸司猶兵家之地利也不知地利不可以為軍師不知臟腑經絡而克得為醫師乎歷來諸書經絡歌括文句參差聯章成誦辨晰為難今閱陳見飛先生小集中有外自頭目以至足內自心肝脾肺腎以及六腑筋脈景說次第成列良為盡善爰採以分列各部為學者便於因症參閱也

一 五善七惡歌是書本不欲取蓋癰疽之初不過營氣壅遏衛氣鬱滯致成瘡腫因其勢而利導之皆屬善全何惡之有迨其日久潰腐或陰陽誤治或氣血衰羸則

七惡蜂起斯時反惡歸善回天之力不可謂非醫家之責也茲錄二歌者一以畏
矯古之譏一以備吉凶之鑒耳願世之醫家勿以現有惡象盡諉不治苟有一綫
可挽當參酌援之更以內科脈理詳審之庶不愧為仁術

一世人以昇降藥為外科拔膿之要藥殊不知昇降藥乃鹽礬砂汞火力煅煉而成
藥之霸道者也去瘀生新或有賴焉若症患日久氣血本已虛虧豈可任用毒劑
必補氣血為主禁痛禁爛全生集中已切言之焉可忽諸凡外症之初起者消之
痛痒者止之潰爛者斂之臨危者救之去瘀用平安餅鍼頭散生新用象皮散六
合散獲效奏功百無一誤是知昇降藥雖有益而亦有損也故二方不入選用
一各部癰疽症治分別陰陽言語每多重贅恐人偶一認錯為害不淺學者詳之
一罕見罕聞之奇疾醫書亦不可缺載其按部位而患者分列部位其患無定處共
集一類又如血擁號虫寺類者茲更集奇疾怪虫兩門冀或偶有是病便於醫治
一方藥所當炮製者須按本草照法精製不可忽略如製耨木蠶等與本草稍異另
附列製法於後

一惡虫症中有虫症皆稟陰陽不和濕熱毒生凡有虫傷則於虫傷門尋類推治
一中毒類似與外科無涉要知醫乃仁術何在非救人之道即飲食藥餌亦有中其
毒者待及求方問藥人命休矣故亦錄附卷後且可為養生者知所慎防云耳
一是書採集羣書並經親見獲效其間折衷萃輯五易稿而始成癰疽症治皆所親
驗苟依方脩合認症用藥洵使窮荒僻壤咸慶生全識者當不以鄙言為狂僭也

外科證治全書卷一目錄

卷之一

癰疽症治統論

癰疽部位名記

胃氣論

論腫

論潰

論斂

論痛

論痒

五善歌

七惡歌

飲食宜忌論

陽癰症治則例

陰疽症治則例

爛潰不斂治法

翻花起肛治法

患孔毒根治法

漏管治法

多骨治法

毒氣攻心治法

破傷風治法

發瘰症治法

瘡口誤入毒水治法

瘡中生蛆生虫治法

頭面症治計十症

面部症治計十六症

眼部症治計二十症

卷之二

鼻部症治

計十一症

耳部症治

計十四症

口部症治計八症

唇部症治計八症

齒部症治

計十七症

喉部症治

計十四症

誤吞類八條

卷之三

項部症治 計五症
胸部症治 計三症
乳部症治 計五症
腋脇三部症治 計三症

肩部症治
膊臂手三部症治 計十八症
背部症治 計一症

腰部症治 計三症
腹部症治 計四症
前陰症治 計十三症
後陰症治 計六症

股部症治 計四症
膝部症治 計四症
脛部症治 計九症
足部症治 計十六症

卷之四

發無定處症治 計四十四症
內景症治 計八症
惡瘡症治 計五症

奇疾症治 計九症
怪虫症治 計九症
外因雜傷症治 計三十八症

卷之五

通用法 計七法
備用法 計六法
通用方 計七十六
附中毒類 計五十六條

外科證治全書卷一

癰疽治法統論

問曰癰疽何為而發也答曰人之一身氣血而已非氣不生非血不行氣血者陰陽之屬也陰陽調和百骸暢適苟六淫外傷七情內賊飲食不節起居不慎以致臟腑乖變經絡滯隔氣血凝結隨其陰陽之所屬而攻發於肌膚筋脈之間此癰疽之所以發也曰然則癰疽有別乎曰癰者壅也邪熱壅聚氣血不宣其為症也為陽屬六腑高腫色紅焮熱疼痛而其發也必暴故所患浮淺而易治疽者沮也氣血虛寒陰邪沮逆其為症也為陰屬五臟漫腫色白堅硬木痛而其發也必緩故所患深沉而難療此癰疽之所以別者然也曰然則其治之也當若何曰初起者審其症而消之成膿者因其勢而逐之毒盡者益其所不足而斂之此治癰之大旨也於是乎未出膿前癰則宣其陽毒之滯疽則解其陰寒之凝已出膿後癰則毒滯未盡宜托疽有寒凝未解宜溫既患陰

環

木

環

疽雖在盛暑之時必用辛熱之劑以助陽氣如生陽癰雖在嚴寒之時必用寒涼之劑以瀉火邪不拘盛暑嚴寒但當舍時而從症也曰然則視其外即可知其內歟曰吾聞之醫者意也有諸內則形諸外故四診為醫家辨症之全諦而望居其一是以外科之症形色可憑善惡可準一定而不移顯然而易見非若傷寒症有傳經之變也蓋色紅焮痛者實熱壅聚也色白陰痛者虛寒沮逆也憎寒發熱者表邪未解也口渴便秘者裏邪未通也紅活高腫者氣血拘毒於外也白塌漫腫者氣血水結於內也根紅散漫者氣虛不能攝血緊附也不痛堅硬者血凝不能附氣流行也外紅裏黑者毒滯不化也紫暗不明者胃氣大傷而肌肉死敗也按之陷而不即高頂雖溫而不甚熱者膿尚未成也按之隨指而起頂已軟而熱甚者膿已灌足也膿色濃厚者氣血強旺也膿色清淡者氣血衰弱也諸如此類審其外悉其內按其委溯其源此所謂望而知之者也曰然則瘡疥之與癰疽同乎否有不發為癰疽而發為瘡疥者何也曰人之軀壳計有五層皮脈肉筋骨也發於筋骨間者疽是也發於脈肉間者癰是也發於皮腠間者瘡疥之屬是也大抵營衛不足濕熱邪風肥甘濁氣淫於肌膚留滯不散則瘡疥所由生

或痒或疼或膿或水名類頗多治法不一熱則涼之濕則利之虫則殺之風則散之燥則潤之滋之更宜戒沐浴以避濕氣忌厚味以清營衛而瘡瘡矣此所以較癰疽之症治有大同而小異者焉噫人能慎養氣暢血盈不使形體有衰則癰疽瘡疥從何而發苟或不然百病叢生又豈惟癰疽瘡疥而已哉古人不治已病治未病非虛語也安得人人及乎其未病而治之歟

癰疽部位名記

紅腫曰癰白塌曰疽部位既殊稱名亦異在頭為大頭毒於頭頂中為玉頂發百會疽前額門際為透腦疽側下為侵腦疽額門前為佛頂疽於額為額疽額角為旁額疽腦後為玉枕疽下為腦後發為對口腦疽偏為偏腦疽為燕尾魚尾毒為腦鑠於髮內為油風為蛀髮癬白禿瘡髮際瘡為蠟梨瘡其於嬰孩也為善疔頭為螻蛄瘡在面為面遊風為肺風粉刺為白屑風為雀斑為黧疔黧為黑痣於眉為鳳眉疽為眉心疽眉尾為瘰癧於眼為時火眼為淹纏赤眼為眼丹為偷針為皮翻症為眼疱痰核為眼孢菌毒為睛目中努肉為椒瘡為漏睛瘡於鼻為鼻癰鼻疔為鼻淵腦漏控腦砂為鼻齧為

鼻痔為酒鼓鼻為鼻衄其下為馬刀瘡於唇以上為唇疽為龍泉疽於唇為唇風為齒
唇為反唇疔為鎖口疔唇以下為虎鬚毒於顴為顴瘍顴疔為羊鬚子燕窩瘡為落下
頰在鬢為鬢疽為勇疽為顴疔在耳為耳病耳竅內為黑疔耳疔耳挺耳痣耳聾耳上
稍後摺間為耳後疽耳摺間連耳輪通腫為耳發耳垂後為耳根毒耳後縫間為旋耳
瘡耳後一寸三分高骨後左為天疽右為銳毒於腮為疔腮為發頤為頰傷為頰疔為
面發毒為凍風其口內於大人為口破口糜為牙癰為牙宣為牙疔為齒齲為風火虫
牙為齒衄為齒齲為骨槽風為舌腫為紫血脹為舌衄為重腮為痰核為舌疔為舌疔
舌菌深癰風為舌硬生衣為痰包為重舌為喉痺為喉閉啞瘡喉風為弄舌為乳蛾
子喉風為纏喉風為鎖喉為喉癰為喉疔為喉珠為喉菌喉瘤為上腭癰為骨硬其於
嬰孩也為鎖牙疔為走馬牙疔為垂離為白口瘡為鵝口瘡在項為結喉癰為雙發喉
側為夾疽夾喉癰為落頭瘡為失榮為瘰癧為氣癭為氣癰為百脈疽項下顛骨陷中
為蠱疽缺盆疽鎖骨疽項後為天柱疽稍下為脾肚癰其於婦人也為鈕扣風在肩正
中為肩中疽肩穴中為肩担肩前廉為乾疽肩後廉為過肩疽肩後腋外為膠疽肩稍